



იმისთანა წმინდა საძმომი, ბიგბიტი ბიქ-
უძი სიფყვას, ცუდილუბით და ჭბბბბით ბუბ-
თის გაცანა ყუღა უჯადბსბბბაჟ უსბბბბბბბ.




ბაბბბბ 1918 წლის
25 ივლისიდან

რესპუბლიკა

შაბათი-კვირა, 14-15 სექტემბერი. 2019 წ. №182 (8848)

ელ.ფოსტა: sakresp@mail.ru და sakresp@top.ge

ფასი 60 თათრი



მხილება

ისყოხიის მოკრე
ჟიხსი ჟიყინისკან

3

პალიაროთი: გეოცა საუკუნის ისტორია საერთოდ არ ბბბბბ!



სალომე ზურაბიშვილი ნატოს საპარლამენტო ასამბლეის პრეზიდენტს ესაუბრა

საქართველოს პრეზიდენტი სალომე ზურაბიშვილი ნატოს სა-
პარლამენტო ასამბლეის პრეზიდენტს მედლინ მუნის და ნატოს სა-
პარლამენტო დელეგაციას შეხვდა. პრეზიდენტის სასახლეში გამარ-
თულ შეხვედრაზე მხარეებმა საქართველო-ნატოს ურთიერთობე-
ბის პროგრესის საკითხი განიხილეს. პრეზიდენტის ადმინისტრაცი-
ის ინფორმაციით, სალომე ზურაბიშვილმა შეხვედრისას საქართვე-
ლოს ევროპული და ევროატლანტიკური ინტეგრაციის მნიშვნელო-
ბაზე გამახვილა ყურადღება და ამ პროცესში საქართველოს მო-
სახლეობის მხარდაჭერის შესახებ ისაუბრა.

შეხვედრისას საუბარი შეეხო საქართველოს ოკუპირებულ
რეგიონებთან დაკავშირებულ საკითხებს და სალომე ზურა-
ბიშვილს მედლინ მუნიმ საკუთარი შთაბეჭდილებები და ემო-
ციები გაუზიარა ხურვალეთში საოკუპაციო ხაზთან სტუმრო-
ბის გამო. პრეზიდენტმა ნატოს საპარლამენტო ასამბლეისთან
განიხილა ასევე შიდაპოლიტიკური საკითხები, პრეზიდენტის
ახალი ფუნქციები და ეკონომიკური პროექტები.

გენერალური პროკურატურა:

გამუკა საზარაძე ტყუის!

საქართველოს გენერალური პროკურა-
ტურა ერთ-ერთი ტელეკომპანიის ეთერში
გამუკა საზარაძის მიერ გაკეთებულ შეფა-
საბაზაზე განცხადებას აპროცედიტ.

„არაერთხელ აღინიშნა, რომ სიმართლეს არ
შეესაბამება მამუკა საზარაძის განცხადებები,
თითქოს პროკურატურამ არ დაინყო გამოძიება
ეგრეთ წოდებულ წერილთან დაკავშირებით. მა-
მუკა საზარაძის მიერ წარმოდგენილი „დოკუ-
მენტი“ დაუყოვნებლივ დაერთო მოქმედ სისხ-
ლის სამართლის საქმეს, რაც პროცესუალურად
ნიშნავს, რომ მასზე გამოძიება დაწყებულია და
გრძელდება. გამოძიების მიმდინარეობის კიდევ
ერთი დასტურია ის გარემოება, რომ მამუკა სა-
ზარაძე ამ ფაქტზე სასამართლოში გამოიკითხა
მონშის სახით. მოქმედი სისხლის სამართლის საპ-
როცესო კოდექსის თანახმად, მონშე იკითხება
მხოლოდ მოქმედი, დაწყებული გამოძიების ფარ-
გლებში.

ამ ეპიზოდის სრულყოფილად და ობიექტუ-
რად გამოძიება განზრახ შეაფერხა თავად მამუკა
საზარაძემ, რომელმაც არ ითანამშრომლა გა-
მოძიებასთან, მოსამართლის წინაშე დაკითხვი-



სას არ წარმოადგინა ე.წ. წერილის ორიგინა-
ლი და ამასთან, კატეგორიული უარი განაცხა-
და შუამავლის დასახელებაზე. ამის გამო, პრო-
კურატურა მოკლებულია შესაძლებლობას, და-
ნიშნოს შესაბამისი ექსპერტიზები ე.წ. წერილ-
თან დაკავშირებით და გამოიკითხოს მონშეები.

ამასთან, გაუგებარი და სამართლებრივ ჩარ-
ჩოებს აცდენილია ბრალდებულ მამუკა საზარ-
აძის მოთხოვნები იმის შესახებ, რომ იგი მხო-
ლოდ განსაკუთრებული წესით წარმართულ სა-
გამოძიებო მოქმედებებში მიიღებს მონაწილეო-
ბას. ეს პოზიცია სრულ წინააღმდეგობაში მო-
დის მოქმედი სისხლის სამართლის მატერიალურ
და საპროცესო კოდექსებთან. უკანონო შემოსავ-
ლის ლეგალიზაციის საქმეზე პროკურატურა გა-
მოძიებას აწარმოებს კანონმდებლობის სრული
შესაბამისობით და არანაირი საგამონაკლი-
სო წესი პიროვნების საზოგადოებრივი, პოლი-
ტიკური თუ ქონებრივი სტატუსის მიუხედავად
არ დაიშვება“, – აღნიშნულია განცხადებაში.

ელდარ ნადირაძე – 70

ეთნოლოგი, კულტუროლოგი, კუბლისტი...



ცნობილ მეცნიერსა და საზოგადო მოღვაწეს, საქართველოს
ეროვნული მუზეუმის სახელოვან თანამშრომელს, დიდი და ცნობი-
ლი ოჯახის ღირსეული წარმომადგენელს, ბატონ ელდარ ნადირაძეს
გულწრფელი პატივისცემით მივულოცავ დაბადებიდან 70 წლის
იუბილეს.

პირდაპირ ვიტყვი: ვისაც ბატონ ელდართან ჰქონია საქმიანი
თუ მეგობრული ურთიერთობა, ყველა დამეთანხმება, რომ იგი
არის უაღრესად გულწრფელი და მართალი ადამიანი და ეს მისი
გამოკვეთილი თვისება სანიმუშოდაა შერწყმული მაღალმეც-
ნიერულ კვლევასთან, რომელიც დიდი პროდუქტიულობითაა
წარმოდგენილი მის შესანიშნავ მონოგრაფიებში.

ცალკე აღნიშვნის ღირსია ბატონი ელდარის საზოგადო-
ებრივი მოღვაწეობა, რომელიც ატარებს ეროვნული ღირებუ-
ლებების დაცვისა და ამ ღირებულებათა მიმართ განწყობი-
ლი პერსონებისადმი უკომპრომისო დამოკიდებულებას.

ჩემთვის დიდი პატივია მასთან თანამშრომლობა და მეგობ-
რობა. კიდევ ერთხელ მივულოცავ ბატონ ელდარს სახელოვან
თარიღს და ვუსურვებ, დიდხანს ეღვაწოს თავისი ქვეყნისა და
ჩვენი ერის სულიერი საუნჯის – საქართველოს ეროვნული მუ-
ზეუმის საკეთილდღეოდ.

დავით ლორთქიფანიძე,

საქართველოს ეროვნული მუზეუმის გენერალური დირექტორი,
საქართველოს მეცნიერებათა ეროვნული აკადემიის აკადემიკოსი

თაიის გაბრძობა **ივ. 5 83**

თეატრის მსახივრე



თეატრის მსახივრე
შ. გუბია

მართლაც კარგი წიგნები მართლაც კარგი კაცებივით სოტაა

6

7

გიორგი განაჩია: მთავრობის ძირითადი პრინციპები იქნება საქმის უფაქტიანი კეთება, კეთილ-სინდისიერება და დისციპლინა

— ამის შესახებ საქართველოს პრემიერ-მინისტრმა გიორგი განაჩიამ მთავრობის სხდომაზე განაცხადა, რომელიც მისი ხელმძღვანელობით გუშინ პირველად გაიმართა.



მისი თქმით, ყველა ერთად უნდა იზრუნოს პირველ რიგში, ახალგაზრდებზე, ბავშვებსა და ღვეთს მოსილ მოსუცებზე. „მინდა, ასევე ხაზგასმით აღვნიშნო, რომ ჩვენი ძირითადი პრინციპები იქნება საქმის დროული და ეფექტიანი კეთება, კეთილსინდისიერება და, რაც მთავარია, დისციპლინა. ჩვენი ძირითადი პრინციპი იქნება ღიაობა, მაქსიმალური კომუნიკაცია უნდა ავანყობ ჩვენს მოქალაქეებთან, სამოქალაქო სექტორთან, ბიზნესთან. ყველამ ერთად უნდა ვიზრუნოთ, პირველ რიგში, ჩვენს ახალგაზრდებზე, ბავშვებსა და ჩვენს ღვეთს მოსილ მოსუცებზე. ასევე, მინდა გთხოვოთ, რომ თითოეულმა თქვენგანმა მთავრობის სხდომის შემდეგ, არა მხოლოდ იმ მნიშვნელოვან საკითხებზე გააცნოს მედიას ინფორმაცია, რომელსაც წარმოადგენენ მთავრობის სხდომაზე, არამედ საზოგადოებისა და ჩვენი მოქალაქეებისთვის მნიშვნელოვან თემებზე, თუნდაც ეს თემები მთავრობის სხდომაზე განსახილველი არ ყოფილიყოს“.

ამასთან, გიორგი განაჩიამ განაცხადა, რომ საქართველოს მთავრობაში ორი ვიცე-პრემიერი იქნება, ვიცე-პრემიერის თანამდებობებს დაიკავებენ რეგიონული განვითარებისა და ინფრასტრუქტურის მინისტრი მათა ციციტიშვილი, ასევე იუსტიციის მინისტრი თეა წულუკიანი.



პრემიერი გუბერნატორებს მწვავედ აკრიტიკებს!

რეგიონებში ჩვენი მოქალაქეებისთვის მთავრობის განსახილველი არის ის ჩინონიკი, რომელიც მათ პრობლემებს აგვარებს ან ვერ აგვარებს. ამ მიმართულებით გუბერნატორების პასუხისმგებლობა სრულად პერსონალიზებული იქნება.

მთავრობის მეთაურმა ხაზი გაუსვა პრობლემების მოკლე ვადებში მოგვარების აუცილებლობას და გუბერნატორებს დროში განერილი კონკრეტული სამოქმედო გეგმის უახლოეს პერიოდში წარმოდგენა დაავალა.

„აუცილებელია, ვიმოქმედოთ სწრაფად, ეფექტიანად და, რაც მთავარია, ეს ყველაფერი უნდა იყოს გამყარებული კეთილსინდისიერი ქმედებით. არავის აქვს იმის რესურსი, რომ კიდევ დიდხანს გველოდოს. ამიტომ, განსაკუთრებით თქვენს შემთხვევაში, პასუხისმგებლობა სრულად პერსონალიზებული იქნება. უახლოეს დღეებში უნდა განსაზღვროთ რეგიონებში არსებული სისტემური პრობლემების სტატუსი და წარმოადგინოთ კონკრეტული გაპრობლემებული საკმეები, შემდგომ კი — პირდაპირი, დროში განერილი გეგმა და კონკრეტული პასუხისმგებლობები. თქვენი ძირითადი ამოცანაა პრობლემების მოგვარება და არა — პრობლემების შექმნა“, — მიმართა პრემიერ-მინისტრმა გუბერნატორებს.

მთავრობის მეთაურისა და რეგიონებში სახელმწიფო რწმუნებულების შეხვედრა გუშინ მთავრობის ადმინისტრაციაში გაიმართა.

ილია მეორე სომეხთა სამოციქულო წმინდის საქართველოს ეპარქიის წინამძღვრის მონაწილეობის ახლად დანიშნული შემსრულებელი, არქიმანდრიტი კირაკოს დავითიანი და მისი თანხლებები პირები მიიღო.

სრულიად საქართველოს კათოლიკოს-პატრიარქმა ილია მეორემ 13 სექტემბერს სომეხთა სამოციქულო წმინდა ეკლესიის საქართველოს ეპარქიის წინამძღვრის მონაწილეობის ახლად დანიშნული შემსრულებელი, არქიმანდრიტი კირაკოს დავითიანი და მისი თანხლებები პირები მიიღო.

შეხვედრა გაცნობით ხასიათს ატარებდა და საუბარი შეეხო მშვიდობისა და ურთიერთპატივისცემის განმტკიცების მნიშვნელობას.



არქიმანდრიტმა კირაკოს დავითიანმა მის უწმინდესობას და უნეტარესობას მიღებისთვის მადლობა გადაუხადა და აღნიშნა, რომ ძალიან მნიშვნელოვნად მიანჩნია და თავის მხრივ ეცდებოდა, რომ მისი მოღვაწეობით კიდევ უფრო გაღრმავდეს სომეხების და ქართველების მეგობრობა. სტუმარმა სრულიად საქართველოს კათოლიკოს-პატრიარქს საჩუქრად დავით აღმაშენებლის ხატი გადასცა.

აღსანიშნავია, რომ სომეხთა სამოციქულო წმინდა ეკლესიის საქართველოს ეპარქიის წინამძღვრის მონაწილეობის შემსრულებელი საქართველოშია დაბადებული, კარგად იცის ქართული ენა და საქართველოს ისტორია.

აფხაზეთში ასე მომრავლდებულ სომეხებს საკრეზიდენტო არჩევნების გაყალბებაში აღანაშაულებენ!

აფხაზეთის საპრეზიდენტო არჩევნების შემდეგ სოციალურ ქსელებში გაჩნდა სომეხი ეროვნების მოსახლეობის პატივისცხისა და ღირსების შემლახველი პუბლიკაციები. „აფხაზეთის სომეხთა საზოგადოების“ ლიდერი გალუსტ ტრაპიზონიანი ამბობს, რომ სახელმწიფო ასეთ ფაქტებზე არასათანადოდ რეაგირებს. იგი აღნიშნავს, რომ არაერთხელ მიმართა აფხაზეთის სახელმწიფო ორგანოებს მოთხოვნით, ბოლო მოეღოს სომეხური საზოგადოების წინააღმდეგ მიმართულ პროვოკაციებს, თუმცა ამან შედეგი ვერ ვერ გამოიღო.

ზონიანი აზუსტებს, აფხაზეთის სამართალდამცავი ორგანოებისთვის კარგადაა ცნობილი ადამიანი, ვინც წელიწადნახევრის წინ ლიად და საჯაროდ ამჟღავნებდა აგრესიულ ანტი-სომეხურ განწყობებს, თუმცა იგი არ დასჯილა. „აფხაზეთის სომეხთა საზოგადოების“ ლიდერის თქმით, ტენდენცია გრძელდება და სამართალდამცავი ორგანოები დღესაც უარს ამბობენ, რეაგირება მოახდინონ სოციალურ ქსელებში გამოქვეყნებულ პუბლიკაციებზე. ამისთვის, გალუსტ ტრაპიზონიანის თქმით, ისინი ფაქტებს ითხოვენ. ფაქტი კი, რომელიც

მას მოჰყავს, შემდეგია: „ამ ცოტა ხნის წინათ სოციალურ ქსელებში გავრცელდა ვიდეორგოლი, რომელზეც ჩანს, როგორ ესვრიან ქვევს ომის ინვალიდს, უსინათლო, სამოცდაათი წლის კაცს. ეს ფაქტი და ეს ვიდეორგოლი არსებობს. მას მიმართავენ და ეკითხებიან: — შინ ხარ? — სომეხი. — იპროვოდი? — ძი. — თავს გვირად მიიჩნევ? — ძი. — რადღან გვირი ხარ, მამა შინ მიიღე.“

და ადამიანი მას ესვრის ქვევს. გესმით? იზოლირება საჭირო ისეთი ადამიანისა, რომელიც ფიქრობს, რომ სომეხობა დასასჯელია“, — ამბობს გალუსტ ტრაპიზონიანი. იგი დარწმუნებულია, რომ ეროვნული შუღლის პროვოცირება უკიდურესად სახიფათოა.

„უნდა იყოს სახელმწიფო პოლიტიკა. დაუყოვნებელი რეაგირება უნდა დაინდოს. ასეთი მომენტები უნდა შეწყდეს. რისთვისაა შექმნილი სპეცსამსახურები? იმისთვის, რომ მასალები შეკრიბოს, მსგავსი ფაქტები აღკვეთოს. ყველაზე ცუდი და მტკივნეული იქნება, თუ ეს ეროვნებათშორის დაპირისპირებას გამოიწვევს. ეს ძალიან სახიფათოა. სომეხური თემი სხვებთან ერთად ქმნის და აშენებს აფხაზურ სახელმწიფოს. ორას სომეხზე მეტი დაიღუპა 1992-93 წლების ომში, ომის ერთ-ერთი მეთაური მე თავად ვარ.“



და თუ ასეთი რამ ერთად გავიარეთ, ხალხი ერთიანი იყო, დღეს ვინ შეძლებს აფხაზეთის ხალხის გაყოფას? ვისთვისაა ეს ხელსაყრელი? მოდი, დაფიქრდნენ და გადაწყვიტონ“, — უთხრა გალუსტ ტრაპიზონიანმა „ესო კავკასას“.


შიდაეროვნული სიძულვილის გაღვივების დაუშვებლობის შესახებ განცხადებები გააკეთეს პოლიტიკურმა პარტიებმაც, კერძოდ, „სახალხო ერთიანობის ფორუმმა“ და „აფსნიმ“.

პარტია „აფსნი“ გამოხატავს თავის აღმფრთხილებას სოციალურ ქსელებში გამოქვეყნებული პუბლიკაციების მიმართ, რომლებშიც აფხაზეთის სომეხური თემის პრეზიდენტობის ერთ-ერთი კანდიდატის წაგებაში ადანაშაულებენ. როგორც პარტიის წევრები აღნიშნავენ, ეს ბრალდებები

ძალზე შეურაცხყოფელი ფორმებითაა გადმოცემული. „აფხაზეთის სახალხო ერთიანობის ფორუმის“ წარმომადგენლები ასევე აღმფრთხილებები არიან იმით, რომ საპრეზიდენტო არჩევნების დროს თავდასხმისა და ბრალდებების ობიექტები ეროვნული უმცირესობები, კერძოდ, სომეხები გახდნენ:

„კეთდება უსაფუძვლო, თვითნებური მტკიცებულებები იმაზე, რომ მათ ხმა მისცეს „ზემოდან“ მითითებების შესაბამისად. ასეთი განცხადებები, თავისი არსით, პროვოკაციულია. ამ თემაზე სპეკულაციებს, ნაციონალურ თემებთან დაპირისპირებას დესტრუქციული ხასიათი აქვს და არავითარი კავშირი არა აქვს არჩევნებთან და მის შედეგებთან“, — აღნიშნავენ პოლიტიკური პარტია „აფხაზეთის სახალხო ერთიანობის ფორუმის“ წარმომადგენლები. პარტია მოუწოდებს სამართალდამცავ ორგანოებს, მიიღონ ყველა საჭირო ზომა პროვოკაციული ქმედებების თავიდან ასაცილებლად და აღკვეთონ ეროვნებათშორისი შუღლის გაღვივების ნებისმიერი ცდა.

ელენა ზავოლსკაია





მედლინ მუნი – მედლობას ვუხდით დათა პანიშვილს სიმაგასისთვის...

ნატოს საპარლამენტო ასამბლეის პრეზიდენტი მედლინ მუნი გუშინ ხურვალეთში, საოკუპაციო ხაზთან ჩავიდა. მედლინ მუნს საქართველოს ხელისუფლების წარმომადგენლებმა ადგილზე არსებული ვითარება გააცნეს. ასევე მიანოდეს ინფორმაცია საოკუპაციო ხაზის სხვა მონაკვეთების შესახებ. მათ შორის საუბარი შეეხო სოფლებში გუგუტიანთარსა და ჩორჩანაში განვითარებულ მოვლენებს. ნატოს საპარლამენტო ასამბლეის პრეზიდენტი საოკუპაციო ხაზს მიღმა დარჩენილ დათა ვანიშვილსაც გაეცნობოდა, ასევე მას სიმაგასისთვის მედლობა გადაუხადა.

„საპარლამენტო ასამბლეა მოვიდა აქ, საოკუპაციო ხაზთან, რომ ნახოს, რა პრობლემები აქვთ იმ ხალხს, რომლებიც ერთ დროს საქართველოს მოქალაქეები იყვნენ და მეორე დღეს გაიღვიძეს და ეს მოქალაქეობა წართმეული ჰქონდათ.“

მნიშვნელოვანია, რომ ჩვენ თავად მოვისმინეთ ამ ადამიანის საუბარი და მედლობას ვუხდით სიმაგასისთვის, რომ მოვიდა და აგვისტო ყველაფერი, ის სირთულეები, რის წინაშეც დგას, რა უღმობელი და არაადამიანური პირობებია აქ, სადაც ადამიანებს საკუთარი მიწები ჩამოართვეს. ჩვენი საქმეა, რომ დავაკვირდეთ აქ მიმდინარე პროცესებს, დავსვათ კითხვები და გავიტანოთ ამ ადამიანის საუბარი ჩვენს შემდგომ შეხვედრაზე ლონდონში. ჩვენ ამას გავაკეთებთ. მე გპირდებით, ჩვენ არ დავწერთ მხოლოდ ანგარიშს და ეს იქ არ დამთავრდება, არამედ გავაკეთებთ ყველაფერს, რაც შეგვიძლია, რომ აქ მიმდინარე პროცესები უფრო ფართო საზოგადოებისთვის გახდეს გასაგებია“.

საკონსტიტუციო სპილენძი საყოველთაო-სახალხო განხილვა თელავში

თელავში საკონსტიტუციო ცვლილებების საყოველთაო-სახალხო განხილვა გუშინ დაიწყო. შეხვედრას ესწრებიან მმართველი გუნდის წევრები, პარლამენტის მოქმედი და ყოფილი თავმჯდომარეები, ასევე განხილვაში მონაწილეობენ ოპოზიციური პარტიების წარმომადგენლები და კონსტიტუციონალისტები. საკონსტიტუციო ცვლილებებთან დაკავშირებით სიტყვით გამოვიდა პარლამენტის თავმჯდომარე არჩილ თალაკვაძე. საკონსტიტუციო ცვლილებების საყოველთაო-სახალხო განხილვის კომისია პარლამენტის 3 სექტემბრის პლენარულ სხდომაზე შეიქმნა. მას მხარი დაუჭირა 118-მა დეპუტატმა.

კომისიის შემადგენლობაში არიან პარლამენტის თავმჯდომარე არჩილ თალაკვაძე, პარლამენტის პირველი ვიცე-სპიკერი თამარ ჩუგოშვილი, ვიცე-სპიკერი ირმა ინაშვილი, ვიცე-სპიკერი სერგი ვაპანაძე, იურიდიულ საკითხთა კომიტეტის თავმჯდომარე ანრი ოხანაშვილი; ფრაქცია „ქართული ოცნების“ თავმჯდომარე მამუკა მდინარაძე, ფრაქცია „ევროპული საქართველო“ თავმჯდომარე ოთარ ვახიძე, დეპუტატები – ირაკლი კობახიძე, თინათინ ბოკუჩავა, ხათუნა გოგორიშვილი, ლევან კობერიძე, ასევე პარლამენტის თავმჯდომარის მრჩეველები თენგიზ შარმანაშვილი და თორნიკე ჭეიშვილი. კომისია იმსჯელებს საპარლამენტო უმრავლესობის მიერ მომზადებულ საკონსტიტუციო ცვლილებებთან დაკავშირებით, რომელიც 2020 წლიდან პროპორციულ საარჩევნო სისტემაზე გადასვლას ეხება. საკონსტიტუციო ცვლილებების განხილვა ქვეყნის მასშტაბით 11 ლოკაციაზე მოხდება. მათ შორის იქნება თბილისი და რეგიონები.



პაღიაროთ: გეოსა საუკუნის ისტორია საერთოდ არ გვაქვს!



ისტორიის მოკლე კურსი პუბლიცისგან

სამი თვის წინ, 9 ივლისს, პუტინმა საქართველოს ისტორიის მოკლე ინტერპრეტაცია შემოგვთავაზა. ახალი არაფერია პუტინისტურ ნარატივში, მაგრამ ამ მიმართულებით რუსული პროპაგანდა გაძლიერდება და საქართველოს მხრიდან მას არაფერი

უპირისპირდება. არარუსი უცხოელებიც რომ გაიმეორებენ იმავეს, საქართველოში დიდი ვაი-ვაიში ატყდება – როგორ თუ არ იციან საქართველოს ისტორია და რუსებს როგორ უჯერებენო, დაიწყება ახლიდან ძიება იმ წიგნების, სადაც ეს საკითხები მოე-

ლედ და გასაგებადაა ჩამოყალიბებული და ისევ, უკვე მერამდენეჯერ აღმოვაჩინოთ, რომ არათუ უცხო ენებზე, ქართულადაც ფაქტობრივად არაფერი გვაქვს.

მოკლედ, გადავხედოთ პუტინის ნათქვამს.

ვლადიკავკაზ – დაუფლე კავკასიას

თუ არ ვცდებით, ამბობს პუტინი, 1774 წელს შეუერთდაო მთელი ოსეთი, ჩრდილოეთიც და სამხრეთიც რუსეთსო, თან როგორც დამოუკიდებელი სახელმწიფოო. მართალია, „ბოლშაია სოვეტსკაია ენციკლოპედია“, რომელზეც პუტინი არის გაზრდილი, ამ წელს ასახელებს, ყოველგვარი დასაბუთების გარეშე და დიდ რუსეთთან შეერთების ეს თარიღი აზიმიტინის ოს ხალხს 2014-ში – გამოგონილი თარიღია.

1774 წელს არ არსებობს არანაირი ერთეული, რომელსაც პუტინი ოსეთი, დამოუკიდებელ სახელმწიფოზე, რომ არაფერი ვთქვათ. მეტიც, არ არსებობს არანაირი ოსი ლიდერი, რომელზეც შეიძლება, გვეთქვა, რომ ოს ხალხს წარმოადგენდეს და ვთქვათ, რაიმე სურვილს გამოთქვამდეს რუსეთთან ურთიერთობის ოსების დასახლებული მთის რეგიონების შეერთებაზე ასტრახანის გუბერნატორი 1775 წელს წარუდგენს პროექტს ეკატერინე მეორეს, რომელსაც, როგორც ჩანს, განხილვის გარეშე მაშინვე თაროზე შე-

მოდებენ. ამ დროს უკვე არსებობს ყაბარდოელთა მიწაზე აშენებული ციხე-სიმაგრე მოზდოკი, რომელსაც ყაბარდოელები მუდმივად თავს ესხმოდნენ. სწორედ აქ, მოზდოკში, 1774 წელს რამდენიმე ოსმა უზუცესმა სთხოვა რუსებს, დაბლობზე მცირემინიანობით გატანჯული ოსი გლეხებისთვის დასახლების უფლება მიეცათ და რასაკვირველია, ისინი რუსეთის ქვეშევრდომები გახდებოდნენ. მოზდოკი, დღეს რომ ჩრდილოეთ ოსეთის შემადგენლობაშია, ეს მხოლოდ ჩრდილოეთ ოსეთის ტერიტორიულ გაზრდას უკავშირდება 1944 წელს, როცა მას სტალინის მიერ გასახლებული ყაბარდოელების, ჩეჩნებისა და ინგუშების მიწები გადაეცა. მოზდოკი კი სტავროპოლის მხარეს ეკუთვნოდა მანამდე. დღესაც მოზდოკში ოსები მოსახლეობის 10%-ზე ნაკლებს შეადგენენ.

როცა 1785 წელს რუსეთმა კავკასიის გუბერნია შექმნა, ოსეთის ტერიტორია მაშინაც არ შედიოდა რუსეთის მიერ კონტროლირებად ტერიტორიებზე.

საქართველოსკენ მიმავალი გზის გასაკონტროლებლად რუსებმა 1784 წელს ვლადიკავკაზი დააარსეს, ოსებითა და ინგუშებით დასახლებულ მიწებს შორის. 1783 წელს გეორგიევსკის ხელშეკრულება გაფორმდა ქართლ-კახეთსა და რუსეთს შორის, რომლის საფუძველზეც იყო 1801 წელს ქართლ-კახეთის სამეფოს გაუქმება და აღმოსავლეთ საქართველოს ანექსია.

თვით ოსებით დასახლებული მთიანი მხარე კი მხოლოდ მეცხრამეტე საუკუნეში აითვისეს ნელ-ნელა და ნაწილ-ნაწილ რუსებმა.

ის ტერიტორია კი, რომელსაც რუსები სამხრეთ ოსეთს უწოდებენ, მხოლოდ ქართლ-კახეთის ე.წ. შეერთების შემდეგ შევიდა რუსეთის იმპერიაში, მთიანი ნაწილი ნომინალურად, რადგან რუსები მას ვერ აკონტროლებდნენ. ქართლის ოსებმა, რომლებიც თავს თავისუფალ გლეხებად მიიჩნევდნენ, რუსებს აჯანყებაც მოუწვევს 1830 წელს ჯავის რაიონში, ქიშელთას ხეობაში. ამ ტერიტორიის უკეთ სამართავად 1840-50-იან წლებში არსებობდა ოსეთის ოკრუგი – პირველი ადმინისტრაციული ერთეული ოსეთის სახელით კავკასიონის სამხრეთით, რომელიც ბოლშევიკების მიერ შექმნილი ე.წ. სამხრეთ ოსეთის ტერიტორიის მეხუთედი თუ იქნებოდა.


ნათქვამიდან ცხადად ჩანს, რომ პუტინმა არათუ საქართველოს ისტორია არ იცის, არამედ მის იმპერიაში შემავალი ოსეთის ისტორიაზეც არა აქვს წარმოდგენა.



ПЯДЫШЕВ-ის „ГЕОГРАФИЧЕСКИЙ АТЛАС РОССИЙСКОЙ ИМПЕРИИ, ЦАРСТВА ПОЛЬСКОГО И ВЕЛИКОГО КНЯЖЕСТВА ФИНЛЯДСКОГО“. 1825 წელს გამოცემული, კარგად ჩანს, რომ საქართველოსა და რუსეთს მთელი ზოლი აკავშირებს ვლადიკავკაზის გავლით.

შეითხვევით გაკეთებული მესხიერი ალმოჩენები

„კომერსანტი“ წარმოგიდგინთ 6 მეცნიერულ ალმოჩენას



1. კარდიოსტიმულატორი

მომხმობა, რომელმაც გადაარჩინა მილიონობით სიცოცხლე, შექმნა ამერიკელმა მეცნიერმა ჯონ გრიტბერტმა. ის მუშაობდა აპარატზე, რომელსაც შეეძლო ადამიანის გულსიცემის ჩანერა. 1956 წელს, ბუფალოს უნივერსიტეტში ჩატარებული ექსპერიმენტის დროს, მან შეითხვევით ჩართო არასწორი რეზისტორი და აღმოაჩინა, რომ წარმოქმნილი ელექტრონული იმპულსები ძალიან ჰგავს ადამიანის გულსიცემს.

მეცნიერი მიხვდა, რა პერსპექტივებს ხსნის შემთხვევით გაკეთებული ალმოჩენა და დაიწყო მუშაობა მის სრულყოფაზე. 1958 წელს მოხდა კარდიოსტიმულატორის ტესტირება ძალზე.


2. სიმინდის ფანტალები

მე-19 საუკუნეში, ძმებს კელოგებს ეკუთვნოდა სასტუმრო შტატ მიჩიგანში. ერთხელაც ისინი ამზადებდნენ რაღაც კერძს სიმინდის ფქვილიდან, თუმცა, მოუწიათ სასწრაფოდ გასვლა გადაუდებელ საქმეზე.



დაბრუნებულბმა მათ აღმოაჩინეს, რომ ფქვილი გაფუჭდა, და შეწვის პროცესში გახდა ჰაეროვანი და ხრაშუნა. ახალ კერძს მათ დაუმეტეს შაქარი, რძე და ზეფირი, რამაც დაიწყო მონონება დაიმსახურა რესტორნის კლიენტებს შორის.

მოგვიანებით ძმებმა დააარსეს კომპანია Kellogs, რომელიც დღესაც აწარმოებს სიმინდის ფანტელებს.



3. მიკროტალღური ღუმელი


ის უმნიშვნელოვანესი გამოგონებაც შეითხვევით იყო. კონკრეტულად როგორც მოხდა ეს, დაზუსტებით ცნობილი არაა – არსებობს რამდენიმე ვერსია.

ინჟინერი პიტერ სპენსერი მუშაობდა შეიარაღების მწარმოებელ კომპანია Raytheon-ში, სადაც ატარებდა ექსპერიმენტებს მიკროტალღურ მონოპოლიობასთან, როდესაც აღმოაჩინა, რომ მათი გამოყენება შესაძლებელია საჭმლის გაცხელებისთვის.

პირველი მიკროტალღური ღუმელი გამოვიდა 1947 წელს, თუმცა დასაწყისში ეს იყო ადამიანის სიმაღლის და 300 კილოს წონის აპარატი, თანაც საკმაოდ ძვირი – 3000 დოლარი ღირდა. დღევანდელი ფორმის მიკროტალღური ღუმელების წარმოება 60-ან წლებში დაიწყო.

4. კეპლარი

დსოპილი, რომელიც გამოირჩევა მალალი სიმკრეხით და ამავე დროს ელასტიკურობით, აწარმოებს კომპანია DuPont. გამოგონება ეკუთვნის ამ ფირმის თანამშრომელს, ქიმიკოსს სტეფანი კვოლეკს.



მექანიკური თვისებების გამო კველარი შეუცვლელია ჯავშანჭილეთების და ჩაფხუტების წარმოებაში. მასალის აღმოჩენა მოხდა 1964 წელს, როდესაც სტეფანი კვოლეკი მუშაობდა მსუბუქი, მაგრამ მკვრივი ქსოვილის რეცეპტზე. 1971 წელს ლაბორატორიაში პირველად შეიქმნა კველარი.

5. პენიცილინი

ასობით მილიონი სიცოცხლე გადაარჩინა ანტიბიოტიკების გამოყენებამ თანამედროვე მედიცინაში. ეს არის ინგლისელი მეცნიერის ალექსანდრ ფლემინგის დამსახურება. ლონდონის ერთ-ერთ საავადმყოფოში ის იკვლევდა სტაფილოკოკების ზრდას და თვისებებს და სრულიად შემთხვევით აღმოაჩინა პირველი ანტიბიოტიკი.



ერთხელ მან მაგიდაზე დატოვა გაურეცხავი თევზები ბაქტერიებით, და რამდენიმე დღეში მათზე ობი აღმოაჩინა. ყველაზე საინტერესო კი იყო ის, რომ ირგვლივ ყველა ბაქტერია მკვდარი იყო. მრავალი ცდის შედეგად, ის მივიდა დასკვნამდე, რომ ობი კლავს ბაქტერიებს. მან ამ ნივთიერებას პენიცილინი დაარქვა.

6. კარტოფილის ჩიუსები

1853 წელს, ერთ-ერთ რესტორანში მილიარდერ კორნელიუს ვან დერ ბილდტს არ მოეწონა შემწვარი კარტოფილი, რომელიც, მისი აზრით, ზედმეტად სქელი იყო.

მზარეულმა ჯორჯ კრამმა ამის საპასუხოდ კარტოფილი ძალიან წვრილად დაჭრა და შეწვა ზეთში. მისთვის მოულოდნელად, მენარმეს ძალიან მოეწონა ეს ვარიანტი. ცოტა ხანში ჩიუსები რესტორნის საფირმო კერძი გახდა.



1860 წელს მან საკუთარი რესტორანი გახსნა, და არ გეგმავდა ჩიუსების რეცეპტის გამჟღავნებას, თუმცა სიმარტივის გამო ეს თავისთავად მოხდა.

COMMERSANT.GE

საქართველოს რეგიონალური განვითარებისა და ინფრასტრუქტურის სამინისტროს გაგზავნილ საკანონმდებლო დაწესებულების - საქართველოს საკანონმდებლო გზების დეპარტამენტის განცხადება

ქვეყნდება „აუსილუბელი საზოგადოებრივი საჭიროებისათვის საკუთრების ჩამორთმევის წესის შესახებ“ საქართველოს კანონის მე-4 მუხლის პირველი პუნქტის შესაბამისად

საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საკვეთების დაწესებულება - საქართველოს საავტომობილო გზების დეპარტამენტი (შემდგომში - დეპარტამენტი) ასორციელებს E-60 ჩქაროსნული ავტომაგისტრალის შორაპანი-არგვეთას მონაკვეთის (F-4) საავტომობილო გზის მშენებლობის პროექტს (შემდგომში - პროექტი).

პროექტის შემოქმედების ქვეშ მოქცეულია მოქალაქეების გელა ნებიერიძისა (პ/ნ 18001005950) და გიორგი ნებიერიძის (პ/ნ 18001002957) თანასაკუთრებაში არსებული მიწის ნაკვეთები: ზესტაფონის მუნიციპალიტეტში, სოფელ ქვედა საქარაში მდებარე სასოფლო-სამეურნეო დანიშნულების მიწის ნაკვეთის (ს/კ 32.03.47.525) მთლიანი ფართობი (351 კვ.მ); ზესტაფონის მუნიციპალიტეტში, სოფელ ქვედა საქარაში მდებარე სასოფლო-სამეურნეო დანიშნულების მიწის ნაკვეთის (ს/კ 32.03.47.673) მთლიანი ფართობი (333 კვ.მ); ზესტაფონის მუნიციპალიტეტში, სოფელ ქვედა საქარაში მდებარე სასოფლო-სამეურნეო დანიშნულების მიწის ნაკვეთის (ს/კ 32.03.47.672) მთლიანი ფართობი (305 კვ.მ-ის ნაწილი - 64 კვ.მ) და ზესტაფონის მუნიციპალიტეტში, სოფელ ქვედა საქარაში მდებარე სასოფლო-სამეურნეო დანიშნულების მიწის ნაკვეთის (ს/კ 32.03.47.672) მთლიანი ფართობის 1 517 კვ.მ-ის ნაწილი - 107 კვ.მ და ზესტაფონის მუნიციპალიტეტში, სოფელ ქვედა საქარაში მდებარე სასოფლო-სამეურნეო დანიშნულების მიწის ნაკვეთის (ს/კ 32.03.47.672) მთლიანი ფართობის 305 კვ.მ-ის ნაწილი - 64 კვ.მ.

დეპარტამენტის მხრიდან წარმოებული მოლაპარაკებების მიუხედავად, მოქალაქეებთან გელა ნებიერიძისთან (პ/ნ 18001005950) და გიორგი ნებიერიძისთან (პ/ნ 18001002957) ვერ იქნა მიღწეული შეთანხმება უძრავი ქონების: ზესტაფონის მუნიციპალიტეტში, სოფელ ქვედა საქარაში მდებარე სასოფლო-სამეურნეო დანიშნულების მიწის ნაკვეთის (ს/კ 32.03.47.525) მთლიანი ფართობის (351 კვ.მ); ზესტაფონის მუნიციპალიტეტში, სოფელ ქვედა საქარაში მდებარე სასოფლო-სამეურნეო დანიშნულების მიწის ნაკვეთის (ს/კ 32.03.47.673) მთლიანი ფართობის (333 კვ.მ); ზესტაფონის მუნიციპალიტეტში, სოფელ ქვედა საქარაში მდებარე სასოფლო-სამეურნეო დანიშნულების მიწის ნაკვეთის (ს/კ 32.03.47.672) მთლიანი ფართობის 1 517 კვ.მ-ის ნაწილის - 107 კვ.მ და ზესტაფონის მუნიციპალიტეტში, სოფელ ქვედა საქარაში მდებარე სასოფლო-სამეურნეო დანიშნულების მიწის ნაკვეთის (ს/კ 32.03.47.672) მთლიანი ფართობის 305 კვ.მ-ის ნაწილის - 64 კვ.მ. მორიგებით გამოსყიდვის თაობაზე. მედიაციის რესურსის ამოწურვის შემდეგ, მესაკუთრეებს დამატებით, წერილობით ეცნობათ განსახორციელებელი პროექტის მნიშვნელობის თაობაზე და მიეცათ პროექტის ფარგლებში მოქცეული საკუთრების ნებაყოფლობით გასხვისების წინადადება, პროექტის ფარგლებში შედგენილი მიწის შესყიდვისა და განსახლების გეგმით განსაზღვრული ღირებულების სანაცვლოდ. მესაკუთრეები ინფორმირებული იყვნენ, რომ შეთანხმების მიუღწევლობის შემთხვევაში, დეპარტამენტი იმოქმედებდა „აუცილებელი საზოგადოებრივი საჭიროებისათვის საკუთრების ჩამორთმევის წესის შესახებ“ საქართველოს კანონის (შემდგომში - კანონი) შესაბამისად, რაც ითვალისწინებს აუცილებელი საზოგადოებრივი საჭიროებისათვის ქონების ჩამორთმევას.

ზემოაღნიშნული გარემოებების გათვალისწინებით და კანონის დანაწესის შესაბამისად, დეპარტამენტმა დაიწყო ექსპროპრიაციის პროცედურები.

„აუცილებელი საზოგადოებრივი საჭიროებისათვის საქართველოს რეგიონული განვითარებისა და ინფრასტრუქტურის სამინისტროს სახელმწიფო საკვეთების დაწესებულების - საქართველოს საავტომობილო გზების დეპარტამენტისათვის ექსპროპრიაციის უფლების მინიჭების თაობაზე“ საქართველოს ეკონომიკისა და მდგრადი განვითარების მინისტრის 2019 წლის 12 აგვისტოს №1-1/392 ბრძანებით (შემდგომში - ბრძანება), პროექტის ფარგლებში დეპარტამენტს მიენიჭა ექსპროპრიაციის უფლება, პროექტის შემოქმედების ქვეშ მოქცეულ გელა ნებიერიძისა (პ/ნ 18001005950) და გიორგი ნებიერიძის (პ/ნ 18001002957) თანასაკუთრებაში არსებულ შემდეგ უძრავ ქონებაზე: ზესტაფონის მუნიციპალიტეტის სოფელ ქვედა საქარაში არსებული მიწის ნაკვეთის (ს/კ 32.03.47.525) მთლიანი ფართობზე (351 კვ.მ); ზესტაფონის მუნიციპალიტეტის სოფელ ქვედა საქარაში არსებული მიწის ნაკვეთის (ს/კ 32.03.47.673) მთლიანი ფართობზე (333 კვ.მ); ზესტაფონის მუნიციპალიტეტის სოფელ ქვედა საქარაში არსებული მიწის ნაკვეთის (ს/კ 32.03.47.524) მთლიანი ფართობის 1 517 კვ.მ-ის ნაწილზე - 107 კვ.მ-ზე და ზესტაფონის მუნიციპალიტეტის სოფელ ქვედა საქარაში არსებული მიწის ნაკვეთის (ს/კ 32.03.47.672) მთლიანი ფართობის 305 კვ.მ-ის ნაწილზე - 64 კვ.მ-ზე (შემდგომში - საექსპროპრიაციო ქონება).

ბრძანება გამოქვეყნებულია საქართველოს საკანონმდებლო მაცნეს ოფიციალურ ვებგვერდზე.

დეპარტამენტი, უახლოეს მომავალში მიმართავს სასამართლოს, მოქალაქეების გელა ნებიერიძისა (პ/ნ 18001005950) და გიორგი ნებიერიძის (პ/ნ 18001002957) თანასაკუთრებაში არსებულ საექსპროპრიაციო ქონებაზე ექსპროპრიაციის უფლების მოპოვების მიზნით.

❶ ძიუდო

სტარტი - 2 „ოქროთი“

წინათვის ქალაქ ვანტაში მიმდინარე ახალგაზრდა ძიუდოისტთა ევროპის ჩემპიონატი ქართველმა ფალანგებმა წარმატებით დაიწყეს - ორი ოქროს მედალი მოიპოვეს. გოგონათა 57 კილოგრამ წონით კატეგორიაში ეთერ ლიპარტელიანი იყო ჩაღმა: იგი ევროპის შარშანდელი პირველობის ფინალისტი, ამჯერად კი კვარცხლბეკის უმაღლეს საფეხურზე ავიდა. საგულისხმოა, რომ ძიუდოისტ ქალთა შორის ევროპისა და მსოფლიოს ჩემპიონი, მის გარდა, არავინ გვეყოლია.

ფინეთში პირველ საშეჯიბრო დღეს ლიპარტელიანი პაექრობებში მეორე წრიდან ჩაება და ზედიზედ იპონით დაამარცხა ხორვატი დორა ბორტაში, ჰოლანდიელი პლეუნი კორნელისე და გერმანელი სეია ბალჰაუსი. ფინალში ლიპარტელიანი იტალიელ სილვია პელიტერს აჯობა - ორი ვაზარით წმინდად მოუგო, თან მსაჯებმა კიდევ ერთი ვაზარი არ ჩაუთვალეს.



ვანტაში საქართველოს ჰიმნი მეორედ გიორგი თუთაშვილის პატივსაცემად აჟღერდა. მან 66 კილოგრამ წონით კატეგორიაში იჭიდავა. თბილისის „დიდი პრიზის“ წლებიდან ფინალისტი ფინურ ტატამზე შეუდარებელი იყო - ხუთივე შეხვედრა წმინდად მოიგო: ჯერ სლოვენელი ურ კლოპჩიჩს სძლია, შემდეგ - ლატვიელ არტიომს გალაკტიონოსსა და ჰოლანდიელ ივო ვერჰორსტერტს, ნახევარფინალში ევროპის შარშანდელი აზერბაიჯანელი პრიზიორი იბრაჰიმ ალიევი გაფრთხილებით მოახსენებინა მსაჯებს, გადამწყვეტ პაექრობაში კი მოლოდინი აღიღო ოსმანოვი დაამარცხა, რომელმაც მერვედფინალში ასპარეზობიდან ლუკა კაპანაძე გამოთიშა.

ლუკა დილია

❷ კალოსნობა



18 სექტემბერს დაიწება და 27-ში დამთავრდება კალოსანთა სალიცენზიო მსოფლიოს ჩემპიონატი, რომელსაც ტაილანდის საკურორტო ქალაქი პატაია უმასპინძლებს. შეჯიბრებაში საქართველოს ნაკრები, სავარაუდოდ, 10 სპორტსმენით იასპარეზებს. ეროვნული გუნდის მთავარმა მწვრთნელმა, ოლიმპიურმა ჩემპიონმა გიორგი ასანიძემ მათი ვინაობა დაასახელა. ესენი არიან: შოთა მიშველიძე, გოდერძი ბერდელიძე (ორივე - 61 კგ), გო-

მსოფლიოზე - ათეულით

გა ჩხეიძე (67 კგ), კახი ასანიძე, არჩილ მაღაყმაძე (ორივე - 73 კგ), რევაზ დავითაძე (89 კგ), ანტონ პლესნოი (96 - 102 კგ), ირაკლი ჩხეიძე (102 კგ), ლაშა ტალახაძე, გიორგი ჩხეიძე (ორივე - +109 კგ). ნაკრების კაპიტანმა, რიოს ოლიმპიადის პრიზიორმა და ევროპის ჩემპიონმა ირაკლი თურმანიძემ ოპერაცია გაიკეთა და, სამწუხაროდ, ფიცარნაგზე ვერ გამოვიდა.

საქართველოს კალოსანთა ნაკრები პატაიაში ხვალ გაემგზავრება.

გივი გაბუა

❸ კალათბურთი

ფინალი ნახევარფინალში

წინათში მიმდინარე საკალათბურთო მსოფლიო ჩემპიონატის ნახევარფინალში ესპანეთის ნაკრებმა ავსტრალიას 95:88 სძლია და პირველი ფინალისტი გახდა. მატჩი ძალიან დაძაბული და სანახაობრივი გამოდგა. ჯამში გუნდებმა ორი ოვერტაიმი ითამაშეს.

პირველი პერიოდი ესპანელებმა ერთი ქულით მოიგეს, დიდ შესვენებაზე კი ავსტრალიელები ექვსქულიანი უპირა-

ტესობით გავიდნენ. მესამე მეოთხედში ევროპელებმა ისევ ერთი ქულით იძალეს, ძირითადი დრო ფრედ - 71:71 დამთავრდა და ოვერტაიმი დაიწინა. თამაშის ბედი მეორე ოვერტაიმში გადაწყდა რომელიც ესპანელებმა გაზოლის, ლულისა და რუბიოს ძალისხმევით თავის სასარგებლოდ დაასრულეს.

არგენტინა საფრანგეთი - 80:66. ვიტალი ჯაფარიძე



❹ შაღრაპი

პირველი ბარიერი გადალახა

სანტი-მანსიისკში დაიწყო ნოკაუტ-სისტემით მოჭადრაკეთა მსოფლიოს თასის გათამაშება. შეჯიბრებაში სხვადასხვა ქვეყნის 128 წარმომადგენელი ჩაება. პირველი რაუნდის შემდეგ მთავარი პრიზის მაძიებელთა რაოდენობა განახევრდა. წარმატებულთა შორისაა ნატურალიზებული ბულგარელი ივან ჩეპარინოვი. საქართველოს სახელით მოასპარეზე დიდოსტატმა პირველ წრეში 1.5:0.5 დაამარცხა ევროპელი აჰმედ ადლი. მისი შემდეგი მეტოქე

იქნება მაღალი რეიტინგის მქონე რუსი ვლადისლავ არტემიევი, რომელმაც სტატუსი თანამემამულე ილია ილიუშენოვს აჯობა.

ლემსო ცინცაძე



❺ ფეხბურთი

ბოიკოტით იმუქრებიან

„პარი სენ-ჟერმენის“ გულშემატკივრები კვლავაც აგრესიულად არიან განწყობილნი სკანდალურ თავდამსხმელ ნეიმარის წინააღმდეგ - გვამცნობს RMC Sport.

წყაროს მტკიცებით, კლუბის ხელმძღვანელობა შეხვედა ფანებს, თუმცა, ვითარების შერბილება ვერ შეძლო. ულტრასები იმუქრებიან, რომ დღეს, „სტრასბურთან“ საფრანგეთის ჩემპიონატის მატჩში, რომელშიც ნეიმარი ახალ სეზონში ტრავმის შემდეგ პირველად ითამაშებს, სალანძღავ ბანერებს გამოფენენ ბრაზილიელის წინააღმდეგ.



„პსჟ“-ის ხელმძღვანელობა იმედს არ კარგავს, რომ ფანებთან მოილაპარაკებს, რომლებიც არა მხოლოდ ფრანგული ლიგა 1-ის შეხვედრის, არამედ მადრიდის „რეალთან“ ჩემპიონთა ლიგის პირველი ტურის მატჩის ბოიკოტითაც იმუქრებიან.

შეგახსენებთ, რომ გასული ზაფხულის დასაწყისში ნეიმარმა პარიზული კლუბიდან წასვლის და „ბარსელონაში“ დაბრუნების სურვილი გამოთქვა, თუმცა, ტრანსფერი ვერ მოხერხდა.

გიორგი შოთაძე

❻ ინტერნეტიდან

ეუსიანი კოლეგა

იტალიელები, მოგესხნებათ, ესეთი ხალხია და ტელენამყვანებსაც დიდი რუდუნებით არჩევენ სოლმე. ჰოდა, აბა, რა გასაკვირია, რომ სპორტული თემატიკის გადაცემების წამყვანი ქალბატონი იოლანდა დე რიენცო ისეთი შესახედაობის ვინმეა, რომ მისი მხილველი ადვილად ივინყებენ სპორტულ ოცობადიებს და სხვა ფიქრნი ახლებთ.

იოლანდა დე რიენცო, როგორც უკვე აღვნიშნეთ, ერთბაშად რამდენიმე გადაცემას უძღვება და არს „სპორტიტალია“-ზე ერთ-ერთი ყველაზე რეიტინგული წამყვანია, ხოლო მისი დეკოლტეიდან მომზირალი მშვენებები იოლანდას იმგვარ პოპულარობას განაპირობებენ, ბევრი გამოცდილი ტელესახეც რომ ვერ იოცნებებდა.

ვინც კი იტალიურ ტელეარხებს უყურებთ, ალბათ, ადვილად შეამჩნევდით, რომ სპორტული გადაცემების წამყვანებად ლამაზმანები არცთუ იშვიათად გვევლინებიან, თუმცა, იოლანდა აქაც გამორჩეული ქალია და, როგორც მავანნი ამბობენ, სპორტშიც კარგად ერკვევა და პოპულარობა მხოლოდ საკუთარი სხეულის მიმზიდველი ფორმებით არ მოუხვეჭავს.

კობა კობახიძე



ბრიტანული სეზონი თბილისში

დედაბაბის მერმა კახა კალაძემ და საქართველოში დიდი ბრიტანეთის ელჩმა ჯასთინ მაქენზი სმიტმა თბილისში ბრიტანული სეზონი გახსნეს.

ლონისძიების ფარგლებში, „რუსთაველის“ მეტროსადგურის მიმდებარე ტერიტორიაზე „ბრიტანეთი-საქართველო 2019“-ის დროებითი ინსტალაცია მოეწყო, ხოლო მეტროსადგური „რუსთაველი“ ბრიტანეთთან ასოცირებული გამოფენით გაფორმდა.

კახა კალაძის თქმით, საქართველოსა და ბრიტანეთს შორის ურთიერთობა ბოლო წლებში კიდევ უფრო გაღრმავდა და უფრო მეგობრული გახდა.

სამი თვის განმავლობაში დედაქალაქის სტუმრებსა და მოსახლეობას საშუალება ექნებათ, უკეთ გაიცნონ თანამედროვე ბრიტანეთი.

„მინდა, დიდი მადლობა გადავუხადო მუნიციპალიტეტს დახმარებისთვის, კახა კალაძეს. ყველასთვის ცნობილია, რომ განსაკუთრებით ლამაზია თბილისის მეტროს რუსთაველის სადგური, სწორედ ამიტომ, აქ სამი თვის განმავლობაში გაღებულია, რომელიც ბრიტანულ ელფერს შესძენს ამ სადგურს, ასევე ყველა ავტობუსს ექნება ბრიტანული ხედები. ეს არის „ბრიტანული სეზონი 2018“-ის შესანიშნავი დასაწყისი“, – განაცხადა ჯასთინ მაქენზი სმიტმა.


„ბრიტანეთი-საქართველო 2019“ დიდი ბრიტანეთის საელჩოსა და ბრიტანეთის საბჭოს ერთობლივად დაგეგმილი 60-ზე მეტი ღონისძიებისგან შემდგარი პროგრამაა, რომელიც დეკემბრამდე გაგრძელდება. ღონისძიებები თბილისის გარდა, ბათუმში, ქუთაისსა და ქვეყნის სხვა რეგიონებში გაიმართება.



© ისინია, სნაველის მიხედვით

უმაღლესი სასწავლებლებმა 2020 წლის ეროვნულ გამოცდებზე ჩასაბარებელი დამატებითი საგნების ჩამონათვალი განსაზღვრეს. ცნობილია იმ დამატებითი საგნების პირველი ჩამონათვალი, რომლებიც 2020 წლის ეროვნულ გამოცდებზე უნდა ჩააბარონ აბიტურიენტებმა კონკრეტულ პროგრამაზე ჩარიცხვის სურვილის შემთხვევაში.

უმაღლესი სასწავლებლებმა 2020 წლის ეროვნულ გამოცდებზე ჩასაბარებელი დამატებითი საგნების ჩამონათვალი განსაზღვრეს. ცნობილია იმ დამატებითი საგნების პირველი ჩამონათვალი, რომლებიც 2020 წლის ეროვნულ გამოცდებზე უნდა ჩააბარონ აბიტურიენტებმა კონკრეტულ პროგრამაზე ჩარიცხვის სურვილის შემთხვევაში.



გამოცდების ეროვნული ცენტრის ინფორმაციით, უმაღლესი სასწავლებლებს შესაძლებლობა აქვთ, დეკემბრის ბოლომდე შეიტანონ ცვლილება აღნიშნულ ჩამონათვალიში. ჩამონათვალი გამოქვეყნებულია ბმულზე.

მათივე ცნობით, განათლების კომპლექსური რეფორმის ფარგლებში 2020 წელს აბიტურიენტები ერთიან ეროვნულ გამოცდებს ახალი მოდელით ჩააბარებენ.

გამოცდები ჩატარდება სამ სავალდებულო საგანში:

1. ქართული ენა და ლიტერატურა;
2. უცხოური ენა;
3. მათემატიკა ან ისტორია.

მესამე გამოცდა დამოკიდებულია პროგრამებზე. ტექნიკურ და საბუნების-მეტყველო მიმართულებებზე აბიტურიენტები მათემატიკას, ჰუმანიტარულზე – ისტორიას, ხოლო პროგრამის სპეციფიკიდან გამომდინარე, დარგთაშორისი მიმართულებების არჩევისას ისტორიას ან მათემატიკას ჩააბარებენ.

უმაღლესი სასწავლებლებმა (რომლებსაც ამის სურვილი ჰქონდათ) უკვე განსაზღვრეს საგანმანათლებლო პროგრამების მიხედვით სავარაუდო დამატებითი საგამოცდო საგნები შემდეგი ჩამონათვალიდან: ბიოლოგია, ქიმია, ფიზიკა, ზოგადი უნარები, გეოგრაფია, ლიტერატურა, სახვითი და გამოყენებითი ხელოვნება, სამოქალაქო განათლება.

სამედიცინო საგანმანათლებლო დაწესებულებების ინიციატივის გათვალისწინებით, ჯანდაცვის საგანმანათლებლო პროგრამებზე სავალდებულო ოთხი გამოცდა იქნება:

1. ქართული ენა და ლიტერატურა;
2. უცხოური ენა;
3. ბიოლოგია;
4. მათემატიკა/ქიმია/ფიზიკა (აბიტურიენტი ირჩევს მინიმუმ ერთს).

მეოთხე საგნისთვის გამოყოფილი იქნება კვოტირებული ადგილები, თითოეულ საგანზე არანაკლებ 30 პროცენტისა.

რაც შეეხება სახელოვნებო-შემოქმედებით/სასპორტო საგანმანათლებლო პროგრამებს, მათზე ჩასარიცხად აბიტურიენტმა სავალდებულოა, შემოქმედებით ტურთან ერთად ჩააბაროს ქართული ენა და ლიტერატურა და უცხოური ენა.


ქართულ ენაში მომზადების საგანმანათლებლო პროგრამაზე აბიტურიენტების ჩარიცხვა არსებული ფორმატით გაგრძელდება.

ამასთან, გამოცდების ეროვნული ცენტრის ინფორმაციით, გრანტი სამი საგნის შედეგების მიხედვით გაიცემა. თუმცა, თუ უმაღლესი სასწავლებელი ითხოვს მეოთხე საგნის ჩაბარებასაც, აბიტურიენტს დაფინანსების მოპოვების კიდევ ერთი შესაძლებლობა ეძლევა.

სსრ

გოდერძი კუპრაძე

ბატონი გოდერძი კუპრაძე დაიბადა 1945 წლის 26 თებერვალს წყალტუბოს რ-ნის სოფ. გეგუთში. 1963 წელს, საშუალო სკოლის დამთავრებისთანავე, სწავლას აგრძელებს საქართველოს პოლიტექნიკურ ინსტიტუტში „ელექტროსადგურების“ სპეციალობაზე. 1969 წლიდან შრომით საქმიანობას აგრძელებს „რიონჭესის კასკადში“ მორიგე ინჟინრად. 1976 წ. ბატონი გოდერძი ინიშნება „ვარციხეშესების კასკადის“ ჯერ მთ. ინჟინრად, ხოლო 1985-2005 წწ. – გენერალურ დირექტორად, სადაც ნათლად წარმოჩინდა მისი მაღალი პროფესიონალიზმი და პასუხისმგებლობის გრძობა. ამ პერიოდში ენერგეტიკაში სიტუცია უმძიმესი იყო, პირადად მან დიდი წვლილი შეიტანა ახალგაზრდა, დამოუკიდებელი საქართველოს ენერგეტიკული უსაფრთხოების საქმეში.



ბატონ გოდერძი კუპრაძეს აქვს სამი გამოგონება „ვარციხეშესების კასკადის აგრეგატების მაღალეფექტურობაზე“, რაც ენერგეტიკას აძლევდა და დღემდე აძლევს საშუალებას, დაზოგოს ასეულობით ათასი ლარი. 1999-2000 წლებში ბატონი გოდერძი იყო ქუთაისის ტექნიკური უნივერსიტეტის ენერგეტიკის ფაკულტეტის სახელმწიფო კომისიის თავმჯდომარე. მუშაობის პერიოდში მიღებული აქვს მრავალი ჯილდო და სიგელი.

დიდებული ადამიანის, შესანიშნავი მეგობრის გოდერძი კუპრაძეს ნათელი სსრკ-მუდამ დარჩება მისი მეგობრებისა და ახლობლების გულში. მსუბუქი იყოს მისთვის ქართული მიწა.

საძარტველს ენერგეტიკის ვეტიარანთა კავშირი;
საძარტველს ენერგეტიკის მუშაკთა პროფესიული კავშირი.

სააქციო საზოგადოების სამეთვალყურეო საბჭო და ადმინისტრაციული მენეჯმენტი გამოხატავენ მწუხარებას დიდი მეწარმის, სამზავრო ტრანსპორტის ორგანიზების მაღალი დონის სპეციალისტის, დიდებული პიროვნებისა და ქველმოქმედის

ზურაბ ნისტორის ძე ყვავაძის

გარდაცვალების გამო.

ინფორმაცია საჯარო განხილვის შესახებ

2019 წლის 27 სექტემბერს 13:00 საათზე ხესტაფონის მუნიციპალიტეტის ადმინისტრაციულ შენობაში. მის: წერეთლის ქუჩა №11-ში გაიმართება E-60 აღმოსავლეთ-დასავლეთ მაგისტრალის შორაპანი-პრეგეტას (F4)-ის მონაკვეთის მშენებლობის პროექტის გარემოზე ზემოქმედების შეფასების (გ.ზ.შ) ანგარიშის საჯარო განხილვა. შეხვედრის მიზანია დაგეგმილ სამუშაოთა ზემოქმედების არეალში მოქცეული ადგილობრივი მოსახლეობის ინფორმირება. პროექტი დაფინანსებულია აზიის განვითარების ბანკის მიერ (ADB).


საზოგადოების წარმომადგენლებს დაგეგმილ საქმიანობასთან დაკავშირებული დოკუმენტაციის გაცნობის საშუალება ექნებათ შემდეგ მისამართებზე:

- საქართველოს საავტომობილო გზების დეპარტამენტის ვებ-გვერდზე: www.georoad.ge

გთხოვთ, წერილობითი შენიშვნები და კომენტარები მიაწოდოთ:
გია სოფაძე ტელ: 599 93 92 09; ელ. ფოსტა: gia.sopadze@georoad.ge

ლიტერატურულ პრემია „საგურამოს“ ახალი ლაურეატები

ილია ქავჭავაძის საგურამოს მემორიალურ სახლ-მუზეუმში ლიტერატურული პრემია „საგურამოს“ ლაურეატები დასახელდნენ.



ლაურეატებს შორის არიან საქართველოს პირველი არხის აფხაზური და ოსურენოვანი ვებგვერდების რედაქტორები ირმა ოსია და ნაირა ბეპიევი. ირმა ოსიამ და ნაირა ბეპიევმა ქართველი პოეტის დავით მაღრაძის პოემა „ჯაკომო პონტი“ აფხაზურ და ოსურ ენაზე თარგმნეს. თარგმანების პრეზენტაცია 2019 წლის მაისში გაიმართა.

პოემა „ჯაკომო პონტი“ დავით მაღრაძემ 2009 წელს დაწერა. ის ათ ენაზეა თარგმნილი.

პრემია „საგურამოს“ ლაურეატების დაჯილდოება 8 ნოემბერს ილია ქავჭავაძის დაბადების დღეს გაიმართება.

12 ოქტომბერს ღვინის ფესტივალის გველოდება

თბილისში, შარდენზე, მიმდინარე წლის 12 ოქტომბერს „ქართული ღვინის ფესტივალი 2019“ გაიმართება.

ქართული ღვინის მწარმოებლები, მცირე, საშუალო და დიდი მეღვინეები ფესტივალის სტუმრებს საკუთარ ღვინოებს წარუდგენენ.

ფესტივალის სტუმარს შესაძლებლობა ექნება, დააგემოვნოს კახეთის, ქართლის, იმერეთის, გურიის, სამეგრელოს, რაჭა-ლეჩხუმის, აჭარის, სამცხე-ჯავახეთის რეგიონების სხვადასხვა ჯიშის ღვინოები. ღონისძიების ფარგლებში ასევე გაიმართება სხვადასხვა სახის პერფორმანსი.

ფესტივალის მიზანია ქართული ღვინის პოპულარიზაცია, საქართველოში ღვინის სამომხმარებლო კულტურის გაზრდა.

ბარემოს დაცვისა და სოფლის მეურნეობის სამინისტროს ფშავ-ხევსურეთის ეროვნულ პარკში ვიზიტორთა ცენტრისა და ადმინისტრაციის შენობის მშენებლობა იწყება. ინფორმაციას გარემოს დაცვისა და სოფლის მეურნეობის სამინისტროს დაცული ტერიტორიების სააგენტო ავრცელებს.

ფშავ-ხევსურეთის დაცული ტერიტორიები გამორჩეულია საქართველოში თავისი უნიკალური ლანდშაფტებისა და საერთაშორისო ბიომრავალფეროვნების თვალსაზრისით, რომელიც მოიცავს საქართველოს წითელი ნუსხით დაცულ, იშვიათ და ენდემურ ფლორისა და ფაუნის სახეობებს.

პროექტს დაცული ტერიტორიების სააგენტო „დაცული ტერიტორიების მხარდაჭერის პროგრამა კავკასიაში - საქართველო“ - SPPA პროგრამის ფარგლებში ახორციელებს. ვიზიტორთა ცენტრი და ადმინისტრაციული შენობა შატილში აშენდება.

პროექტი დაფინანსებულია

ფშავ-ხევსურეთის ადგილობრივი მნიშვნელობის მემკვიდრეობის საიტების მონუმენტული მემკვიდრეობის მხარდაჭერის პროგრამის ფარგლებში

გერმანიის ეკონომიკური თანამშრომლობისა და განვითარების ფედერალური სამინისტროს (BMZ) მიერ, გერმანიის რეკონსტრუქციისა და განვითარების საკრედიტო ბანკის (KfW) მეშვეობით. ამასთან, სამუშაოები GFA Consulting Group-ის მხარ-


დაჭერით წარმართება. ფშავ-ხევსურეთის დაცული ტერიტორიები მოიცავს სამი სხვადასხვა კატეგორიის დაცულ ტერიტორიას, ფშავ-ხევსურეთის ეროვნულ პარკს, ასას ალკვეთისა და როშკის ბუნების ძეგლს. ტერიტორიის საერთო ფართობი 79 908 ჰექტარია. მისი შექმნის მთავარ მიზანს აღმოსავლეთ კავკასიონის ცენტრალური ნაწილის ორგანული სამყაროს დაცვა, აღდგენა და შენარჩუნება წარმოადგენს.



აღმოჩენილია პლანეტა „სუპერ ღაღამინა“

ასტრონომები ამტკიცებენ, რომ დედამიწიდან 111 სინათლის წლით დაშორებულ პლანეტა K2-18b-ზე წყალი აღმოაჩინეს. ამის შესახებ ინფორმაციას BBC ავრცელებს.

სპეციალისტების მოსაზრებით, პლანეტის დაახლოებით 50% შესაძლოა, წყლით იყოს დაფარული. ეს შეიძლება იმას ნიშნავდეს, რომ იქ სიცოცხლე არსებობს. პლანეტას მცენიერება „სუპერ დედამიწა“ უწოდეს და მომავალი 10 წლის განმავლობაში კოსმოსური ტელესკოპების საშუალებით მის შესწავლას შეეცდებიან.



K2-18b, რომელიც დედამიწიდან 111 სინათლის წლით არის დაშორებული, ჩვენი პლანეტიდან იმდენად შორს მდებარეობს, რომ რთულია იქ ზონდის გაგზავნა. ერთადერთი გამოსავალია, რომ მსოფლიო დაედოს ტელესკოპების შემდგომ განვითარებას, რომელიც სავარაუდოდ, 2020-იან წლებში მოხდება და შემდეგ კოსმოსში ექვბოს გაზები, რომელიც მხოლოდ ცოცხალი ორგანიზმების შედეგად გამოიყოფა.

„ღიპით შეპყრობილი“ ქვეყნების სია ცნობილია



მსოფლიოში „ღიპით შეპყრობილი“ ქვეყნების სია გამოცემა სრულად pencil-მა Google Trends-ზე დაყრდნობით შეადგინა. სიის შედგენა Google-ის საძიებო სისტემაზე დაყრდნობით მოხდა. დამუშავდა ინფორმაცია, დიეტასთან დაკავშირებულ საკითხებზე

რომელი ქვეყნების მოქალაქეები მიმართავენ ამ საძიებო სისტემას. საქართველო მე-7-ა იმ ქვეყნებს შორის, სადაც Google-ში დიეტას ყველაზე ხშირად ეძებენ.

Chef's pencil-ის მიხედვით „ღიპით შეპყრობილი“ ქვეყნების TOP 10:

- 1. პოლონეთი; 2. ავსტრალია; 3. აშშ; 4. ახალი ზელანდია; 5. მოლდოვა; 6. სამხრეთ აფრიკა; 7. საქართველო; 8. ლიბანი; 9. კანადა; 10. გაერთიანებული სამეფო.

სულიერება

ქრისტეანული მემკვიდრეობის მნიშვნელობის საკითხი

15 სექტემბერს საქართველოს წმიდა მართლმადიდებელი ავტოკეფალური სამოციქულო ეკლესია იხსენიებს სასაწესმოქმედი ღვთისმშობლის ხატის „მიასინი“ პოვნის თარიღს.

ცნობილია, რომ ლეონ III ისავარიანის მეფობის დროს ეს სასწესმოქმედი ხატი ტბაში ჩააგდეს... თითქმის ასი წლის შემდეგ, მიხეილ III და თეოდორას ზეობის დროს, როცა ხატმებრძოლობა სრულიად შეწყდა, ტბის სიღრმიდან ხატი ზემოთ ამოიპარა და ამდენი ხნის მანძილზე წყალში ყოფნის მიუხედავად, სინესტისაგან სრულიად დაუზიანებელი მორწმუნეებმა იპოვეს.



საგულისხმოა, რომ სასწესმოქმედი ხატის აღმოჩენის მოსახსენებლად სამხრეთის ყველა ქრისტიანულ ქვეყანაში დაწესებულია, სექტემბრის პირველ დღეს მორწმუნეები შეიკრიბონ და თავიანთი სცენ სასწესმოქმედ მოქმედ ხატს. ამ დღესასწაულის საგალობლებში ეკლესია მწუხარებას გამოთქვამს ხატმებრძოლობის მძვინვარების გამო და როგორც ზეციურ მფარველს, ევედრება ყოვლადწმიდა ღვთისმშობელს, მშვიდობა მოსცეს ყოვლისა სოფელსა.

გიული ლიპარტია

როგორ მოვიხმართ რძეს?

მეცნიერებმა ადამიანის მიერ რძის მოხმარების ყველაზე ადრეული მტკიცებულებები აღმოაჩინეს. მეცნიერთა ჯგუფმა დიდი ბრიტანეთის პრეისტორიული ფერმერების კბილებზე დაფარული რძის ცილა იპოვეს. ამის შესახებ ინფორმაციას BBC ავრცელებს.

ეს აღმოჩენა ადასტურებს, რომ ადამიანები მოხმარებდნენ რძის პროდუქტებს ჯერ კიდევ 6000 წლის წინ - მიუხედავად იმისა, რომ მაშინ ადამიანს განსაკუთრებით ჭკონდა ლაქტოზას აუტანლობა.



კვლევის შედეგად კი უკვე ვარაუდობენ, რომ მაშინდელი ადამიანები რძეს ამუშავებდნენ და იღებდნენ ყველის, იოგურტის თუ სხვა სახით, დამუშავების შედეგად კი ლაქტოზის შემცველობა მცირდებოდა და რძის პროდუქტის მოხმარება უფრო სასიამოვნო ხდებოდა.



რეკლამის ფონი: 2.9638; 3.2670; ბრიტანული გირანა სტარტაპი - 3.6526; 100 რუბლი - 4.5569; თურქული ლირა - 0.5153; აზერბაიჯანული მანათი - 1.7433; 1000 სომხური დრამი - 6.2239.

აქტიური 14 სექტემბრისთვის

აქტიური 14 სექტემბრისთვის				
ბარა -	ლაშ	+9,	ღვ	+25
მთიანი რაიონები -	ლაშ	+4,	ღვ	+25
დასავლეთი საქართველო:				
ბარა -	ლაშ	+14,	ღვ	+32
მთიანი რაიონები -	ლაშ	+8,	ღვ	+28
თბილისი:	ლაშ	+12,	ღვ	+25

დაავიკაპით, მოგზავით:

ტელ: 296-72-86, 599-79-76-79, 568-82-09-84
ელ. ფოსტა: sakresp@mail.ru და sakresp@top.ge

საქართველოს რესპუბლიკა

ბ. ჩიქობავას (ყოფილი საბჭოს) ქუჩა №42/5
ტელ: 296-72-86

მთავარი რედაქტორი
საბარტაძე მოხუცი
599 36-00-35

პასუხისმგებელი რედაქტორები:
გურამ გომიანაშვილი
599 53-76-16;

ალექს
ასლანიშვილი
599 56-81-86;

პასუხისმგებელი მდივანი
მამუკა ვაშაქიძე
514 33-33-24

გამომცემლობა:

შპს „ახალი საუკუნე“ -
გაზეთ „საქართველოს რესპუბლიკის“ გამომცემელი“
599 53-76-16; 599 36-00-35
შპს „თანადგომი“-
„გაზეთ „საქართველოს რესპუბლიკის“
გამომცემელი“
ტ: 599 79-76-79

იბეჭდება გამომცემლობა
„კოლორ პრესი“
რკინიგზის ჩიხი №20

uac(უაკ)070.4(479.22)
ს-323

ISSN 2233-3851



ავტორთა საჩუქრადღეობა!

რედაქციის მიერ
შუამავთავი მასალა
დაიბეჭდება
ავტორთა ხარჯით.
ავტორთა მოსაზრებები,
შეხვედრები, მუდამ
არ ემთხვეოდეს
რედაქციის პოზიციას.
ფაქტების სიზუსტეზე
პასუხს აბეზენ
ავტორები.

„საქართველოს რესპუბლიკა“

შენი გაზეთია,
აუსილვლად
გამოიწერე, რასაც
ამ წაიკითხავ,
სხვაგან ვერ ნახავ!